



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Conivratio.

urn:nbn:de:hbz:466:1-30427

PAPA potest cōmittere confirmationem soli sacerdoti, secun. Th. Episcopus non consecratus, secun. Pet. de pal. non potest confirmare, quia est actus ordinis, & secundum eundem, Episcopus non debet confirmare subditos aliorū episcoporum, si tamen facit tenet, nec incurrit suspensionem, sicut ordinando alienos. Non enim est lege cautum. Hoc sacramentum cum imprimat characterem, iterari non potest sine mortali, gratiam confert, & per hoc contrahitur spiritualis affinitas, matrimonium impediens, & omni tempore conferri potest, Thom. 3. par. 4. 72.

CONFIRMATIO

electi.

CONFIRMATIO electorum est petenda de necessitate, ita quod electus ad regimen cuiuscunque ecclesie, aut religionis, si administrationi dignitatis se ingerit ante confirmationem, ipso facto priuatur omni iure, quod per electionem in ipsa dignitate habebat, ut in ca. auaritie. de electio. in 6. Idem dicas de postulatione, imo magis secundū docto. ibi, quia de iure minus acquiritur. Fallit in abbatissa. Vide capitulum indénitibus. de electi. in 6. Fallit etiam quando confirmatio est à Papa petēda, & electus est valde remotus. c. nihil. de electi. Si tamen non sit in mora petendæ confirmationis. Vide Hosli. & Ioan. Andr. in dicti. capitul. nihil. Secus quando extaret aliquod priuilegium in oppositum.

PRAEFATA habent locum in episcopo, secun. Gemin. in d. c. auaritia, quia secundum iura antiqua, nomine dignitatis comprehendebatur episcopalis, ut in c. nosti. & cap. qualiter, de electi. Non autem habet locum in Imperatore, secundum Vgo. & Ioan. in c. legimus. 93. d. Quod Imperator potest omnem iurisdictionem exercere imperij, quamuis contrarium sentiat Pa. Glo. tamen in cle. vnica de iureiur. magis approbatur.

QUANDO debeat peti electio, vel infra quantum tempus, vide c. quā

fit, & c. cupientes. de electi. in 6. d. quo debeat peti. c. abbatem. ibi.

CONFIRMATOR debet diligenter examinare electionem, eligētes, & personam electi: maxime in scientia, honestate vitæ, & ætate, quia si indignum confirmat, vel illegitimè, mortaliter peccat. & est priuatus ipso iure à potestate confirmandi. Vide c. nihil. de electi. & c. si. eo. in 6. Et quia hæc materia parum pertinet ad confessores, ideo remitto legentem ad Summistas alios. Attamen examinandi sunt à confessore electores quo modo elegerunt si dignum, vel indignum, & confirmatores, quo modo confirmauerunt, &c.

CONFRATERNITAS.

CONFRATERNITATES si fiāt ex causa licita, fieri possunt, secundum gloss. in c. si qui clericorum. 11. qu. 1. lecus quando ad malum finē fierent, ut pro lucro, &c. Statutum quo cauetur ne aliquis recipiatur in confraternitatem nisi tantum soluat, si fiat propter honestam causam, ut pro alendis pauperibus, &c. valet: arg. in c. non exemplo 26. q. 2. Consultuit tamen Arc. in c. si quis despiciat d. 2. quod si fiat per verba affirmatiua, valeat: si autem per negatiua, non valeat: ut dicendum, nullus recipiatur nisi soluat, &c. all. c. ad Apostolicam. de symo. & addit Ludouic. de Roma. quod potestas inueniens societatem, in qua sit statutum inhonestum, potest eam cassare, secundum Bartol. lib. sub pretextu. ff. de extra ordi. cri.

CONIVRATIO.

CONIVRATIO, & Conspiratio qua plures ad inuicem fide praestita conueniunt ad malum aliquod parandum, vel ad se tuendum contra potestatem publicam, vel ad non obediendum in aliquo licito, communiter mortale peccatum est & scandalosum, quia contra bonum publicum, vel alicuius priuati, secundum Caiet. ibi. & in c. cōstitutionem. de verb. si. Et

Et tales grauitur per leges puniuntur, secundum gloss. in c. si. de testi. cog. & c. de his qui ad eccle. confusio. li. denunciamus. De conspirantibus in Papam. infra. Excommunicatio. 70. Contra conspirantes multæ apponuntur per leges pœnæ. C. de secun. libr. 1. & 2.

CONSCIENTIA.

¹ CONSCIENTIA etiā erronea, secundum Tho. 2. sen. d. 29. a. vlti. & 12. q. 19. a. 5. taliter ligat, quod illa durante contra eā faciens semper peccat, & si dictat esse mortale, mortaliter peccat, si veniale, venialiter, quia secundum glo. Roma. 1. 7. Omne quod est contra conscientiam edificat ad gehennam. Igitur quando conscientia alicui dictaret aliquid faciendum, q. mortale est, tunc tenetur deponere conscientiam illam erroneam, vel per se si potest, vel ad consilium sapientis, aliter si sequitur illam peccat, secundum Tho. & Pet. de pal. supra. Agit enim contra ligamen interius, quod maius est quam exterius.

² Si Papa præcipiat alicui etiam sub pœna excommunicationis, vt faciat aliquid contra illius conscientiam, dictante conscientia non debet obedire, quia fortius est ligamen interius conscientie, quam exterius, secundum Thom. supra tenetur tamen deponere conscientiam quando est erronea. Si autem sit recta, & sit certus, potius tolleret excommunicationem, quam facere contra conscientiam, quia melius est obedire præcepto Dei quam hominum. Sic enim excommunicatio in foro Dei non ligat, licet forte in exteriori.

CONSECRATIO

prælatorum.

¹ CONSECRATIO episcoporum, & aliorum quomodo habet fieri, in cap. qui Episcopus. 23. d.

² CONSECRATIO Episcopus à tribus episcopis, quod si pauciores essent, nihil ageretur, secundum gloss. in c. Episcopi, de temporis ordi. Tamen

Pet. de pal. in libr. de potestate Papæ, dicit, Ternarium numerum non esse de substantia consecrationis. Vnde & Greg. in Anglia nouiter conuersa, legitur in hoc dispensasse. Quomodo autem, vbi, & quando fiat, vide Summistas. Parum enim prodest confessoribus.

³ CONSECRAT Papam ex consuetudine Episcopus Hosti. Primates, & Metropolitani consecrant tres episcopi eorum suffraganei. d. 66. c. archiepiscopus. c. porro. Sed nunc iura antiquo non seruantur, sed à Papa, quando omnes consecrantur, vel ab alijs de eius commissione, & die domini ca fit & infra tres menses. Vide Sil. ver. consecratio.

CONSECRATIO.

ecclesie.

¹ CONSECRATIO ecclesie, altaris, vestium, & vasorum, secundum Thom. 3. par. q. 82. a. 1. ad tertium. reseruatur Episcopo tanquam principali ecclesiastici totius ordinis, & potest fieri tam diebus festiuis, quam ferilibus. c. tua. eod. tit. Modus consecrandi ponitur in pastoralis, à quo non est recedendum. c. omnes basilicæ. de consecr. d. 1. neque sine missa debet consecrari. in d. c. omnes. licet nō sit de substantia, secundum Bar. & Hostien. in c. quod sicut. de elect.

² ECCLESIA non consecrata, potest reconciliari per simplicem sacerdotem aqua exorcizata tantum, in c. fin. eodem titul. quæ aqua, potest exorcizari per simplicem sacerdotem: ex quo patet, quod non requiritur licentia episcopi, secundum gloss. in d. c. si. Non autem hæc procedunt, quando Ecclesia est consecrata. Ecclesia reputatur consecrata, secundum Innocen. quando vnus testis affirmat de visu, vel auditu: vel si extant aliqua scripta in libris Ecclesie, vel aliqua signa in columnis, vel parietibus, quia hoc non est in præiudicium tertij, in quo casu, vnus testis sufficiens est. de consecrata. d. 4. cap. paruulus, & c. cum itaque.

i 2 3 ECCLESIA